

## II - ARABAKO LURRALDE HISTORIKOAREN TOKI ADMINISTRAZIOA

### LEGUTIOKO UDALA

**Berrantolatzea zerga ordenantza, zeinak arautzen baitu hornidura zerbitzuak ustiatzen dituzten enpresek udalerriko bide publikoetako lurzoru, lurpe edo lur gaineko espazioaren erabilera pribatiboa edo aprobetxamendu berezia egitearen tasa**

2020ko ekainaren 3ko ohiko osoko bilkuran, erabaki zen berrantolatzea zerga ordenantza, zeinak arautzen baitu hornidura zerbitzuak ustiatzen dituzten enpresek udalerriko bide publikoetako lurzoru, lurpe edo lur gaineko espazioaren erabilera pribatiboa edo aprobetxamendu berezia egitearen tasa, ezabatuz haren testutik aprobetxamenduei buruzko eranskina. Hona hemen haren testu berria:

**Zerga ordenantza, arautzen duena hornidura zerbitzuak ustiatzen dituzten enpresek udalerriko bide publikoetako lurzoruaren, lurpearen edo lur gaineko espazioaren erabilera pribatiboa edo aprobetxamendu berezia egitearen tasa**

#### I. Xedapen orokorrak

##### 1. artikulua

1. Udal honek, bat etorritz Arabako Lurralde Historikoko toki ogasunak arautzen dituen Foru Arauan ezarritakoarekin (41/1989 Foru Araua, uztailaren 19koa), tasak ezartzen eta galdegiten ditu hornidura zerbitzuak ustiatzen dituzten enpresek udalerriko bide publikoen lurrazaleko, lurpeko edo lurrazaleko gaineko aireko espazioaren erabilera pribatua eta aprobetxamendu berezia egiteagatik.

2. Hori dela eta, honako hauek dira hornidura zerbitzuak ustiatzen dituzten enpresak:

a) Argindarraren, uraren edo gasaren hornidura egiten duten enpresak.

b) Jendearentzako telekomunikazioak eskaintzen dituzten enpresak, telekomunikazio sare publikoen zati bat edo osorik erabiliz, eta udalerriko bide publikoen lurrazaleko, lurpeko edo lurrazaleko gaineko aireko espazioa modu pribatiboan erabiltzen dutenak edo horien aprobetxamendu berezia egiten dutenak, sare edo instalazioen titularra gorabehera.

c) Hornidura zerbitzua eskaintzen duen beste edozein enpresa, baldin eta zerbitzua emateko erabiltzen dituzten hodiekin, kableekin eta gainerakoekin udalerriko lurrazala, lurpea edo airea okupatzen badute.

3. Artikulu honetan ezartzen denaren ondorioetarako, zerbitzuak eskaintzen dituzten enpresen artean zerbitzu horiek banatzen eta merkaturatzen dituztenak ere sartuko dira.

##### 2. artikulua

Ordenantza hau udalerriko osoan aplikatuko da.

#### II. Zerga egitatea

##### 3. artikulua

1. Hau da zerga egitatea: udalerriko bide publikoetako lurrazala, lurpea edo lurrazaleko gaineko aireko espazioa modu pribatiboan erabiltzea edo horien aprobetxamendu berezia egitea hornidura zerbitzuak ustiatzen dituzten enpresen alde, baldin eta hornidura zerbitzua interes orokorrekoa bada edo auzokide guztiei edo haietako askori eragiten badie.

2. Kuantifikazio araubide hau aurreko artikuluan aipatzen diren enpresei aplikatuko zaie hornidurarako erabiltzen dituzten sareen titularrak izanez gero, eta titularrak ez badira ere bai, baldin eta sareak erabiltzeko, sare horietara sartzeko edo sareen arteko lotura egiteko eskubi-dea badute.

3. Tasa kalkulatzeko araubide berezi hau ez zaie aplikatuko telefono mugikorraren zerbitzuei.

4. Bateragarriak dira tasa hau eta toki erakundeen eskumen diren zerbitzuak eskaintzeagatik edo jarduerak gauzatzegatik ezar daitezkeen beste tasa batzuk, baldin eta, haietan, hornidura zerbitzuak ustiatzen dituzten enpresak, aplikagarriak diren foru arauetan ezarritakoaren arabera, subjektu pasibo izan behar badira; salbuetsita geratuko dira, tasa hau ordainduz gero, udalerriko bide publikoetako lurzoru, lurpe edo lurzoruaren gaineko espazioaren erabilera pribatiboa edo aprobetxamendu berezia dela-eta eskatzekoak diren beste tasa batzuetatik.

### III. Subjektu pasiboa

#### 4. artikulua

1. Pertsona fisikoak eta juridikoak eta Arabako Lurralde Historikoaren Zergei buruzko Foru Arau Orokorren 35. artikuluan adierazitako entitateak dira subjektu pasibo zergapekoak, baldin eta hornidura zerbitzuak ustiatzen dituzten enpresen titular badira eta hornidura horiek interes orokorrekoak badira edo auzotarren gehiengoari eragiten badiote eta udalerriko bide publikoen lurrazaleko, lurpeko edo lurraren gaineko aireko espazioaren erabilera pribatua edo aprobetxamendu berezia egiten badute.

2. Artikulu honetan ezartzen denaren ondorioetarako, zerbitzuak eskaintzen dituzten enpresen artean zerbitzu horiek banatzen eta merkaturatzen dituztenak ere sartuko dira.

### IV. Salbuespenak, murrizketak eta hobariak

#### 5. artikulua

Salbuespenak eta bestelako zerga onurak aplikatzekoak diren xedapen orokorren arabera emango dira.

### V. Zerga oinarria

#### 6. artikulua

1. Hornidura-zerbitzuak ematen dituzten enpresek urtean zenbateko diru sarrera gordinak ateratzen dituzten Legutioko udalerrian eskuratzen duten fakturaziotik, horren arabera izango da tasaren zerga oinarria.

2. Sarrera gordinak honako hauek izango dira: udalerrian egindako zerbitzuen kontraprestazio gisa entitateak lortutako sarrerak, berari egotzi ahal zaizkionak.

3. Honako hauek ez dira sartuko sarrera gordinetan: egindako zerbitzuak kargatzen dituzten zeharkako zergak, eta hirugarrenen kontura kobratzen diren partidak eta kopuruak, hornidura zerbitzua egiten duen enpresaren beraren sarrerak ez direnak.

4. Hornidura egiteko besteren sareak erabiltzen dituzten enpresek fakturazioko sarrera gordinetatik kendu behar dituzte beste enpresa batzuen sareak erabiltzeagatik ordaintzen dituzten kopuruak. Sareen titularrak diren enpresek beren fakturazioko sarrera gordinetan sartu beharko dituzte kontzeptu horrengatik jasotako zenbatekoak.

5. Arabako Lurralde Historikoko zergen Foru Arau Orokorren 108. artikuluan eta Zerga Ikuskatzailetzaren Arautegiak 37. artikuluan xedatzen dutenarekin bat etorritik, sareen titularrak diren enpresek eskatzen dien informazio guztia eman beharko diote Udalari beste enpresa batzuek beren sareak erabiltzeagatik jasotako sarrerez.

## VI. Kuota

**7. artikulua**

1. Hona hemen nola kalkulatu den zerga kuota: hornidura enpresak udalerrian zer fakturazio lortzen duen urtean, fakturazio horretatik eskuratutako diru sarrera gordinen ehuneko 1,5.

2. Aprobetxamendu berezia dela-eta udal jabari publikoa apurtu edo hondatzen bada, onuradunak, dagokion tasaz gain, egin diren berreraikitze edo konponketa gastuen kostua osorik itzuli beharko du, baita horri dagokion zenbatekoa alde aurretik gordailuan utzi ere. Kalteak konponezinak badira, Udalak kalte ordaina jasoko du: suntsitutako ondasunen edo hondatutako ondasunei egindako kalteen zenbatekoa.

3. Udalak ezin izango ditu barkatu idatz zati honetan aipatzen diren kalte ordainak eta itzuli beharreko kopuruak, ez osorik, ez zati bat.

## VII. Sortzapena eta zergaldia

**8. artikulua**

1. Udal jabari publikoa okupatzearen tasa sortzen da, udalerriko bide publikoetako lurzoru, lurpe edo lur gaineko espazioa era pribatiboan erabiltzeagatik edo horien aprobetxamendu berezia egiteagatik, hornidura zerbitzuak ustiatzen dituzten enpresentzat:

1.1. Erabilera pribatiboa edo aprobetxamendu berezia hasten denean, zerbitzua ematen denean edo jarduera egiten denean.

1.2. Tasaren izaerak aldikako sortzapena eskatzen badu, urtarrileko azken egun balioduna baino lehen izango da sortzapen hori, eta zergaldia aurreko urte naturala izango da.

## VIII. Likidazioa eta diru sarrera

**9. artikulua**

Dagokion likidazioa egingo da udalaren alde, eta ordenantza honen arabera dagokion diru sarrera egingo da.

## IX. Tasen kudeaketa

**10. artikulua**

Hornidura zerbitzuren bat ustiatzen duten enpresek hiruhileko bakoitzeko lehen hamabost egunetan aurkeztu behar dute aurreko hiruhilekoko sarrera gordin guztien aitortpena udal bulegoetan. Aitorpen horrekin batera udalerrian fakturatutakoaren frogagiriak aurkeztu behar dituzte, eta udal administrazioak eskatzen dituen gainerako agiri guztiak ere bai.

**11. artikulua**

1. Aurkeztu eta sartutako likidazioak behin-behinekoak izango dira, udalak egiaztapen egoikiak egin arte. Egiaztapen horiek egin ostean, behin betiko likidazioa egingo da, zeina interesdunari jakinaraziko zaion.

2. Borondatezko aldiko epea bukatu eta ordaindu ez bada, premiamendu bidez eskatu ahal izango da.

3. Dena dela, behin-behineko likidazioak behin betiko bihurtuko dira aurreko artikuluan aipatzen den aitortpena aurkezten den egunetik hiru urte igarotakoan.

**12. artikulua**

Zergei buruzko arau-hausteei eta horien kalifikazioei dagokienez, bai eta horien zigorrei dagokienez ere, Zergei buruzko Foru Arau Orokorrean eta Zerga Ordenantza Orokorrean ezarritakoa aplikatuko da.

Ordenantza honen aldaketa ALHAOn osorik argitaratu eta hurrengo egunean jarriko da indarrean, eta hala iraungo du aldatzea erabakitzen den arte.

Legutio, 2020ko ekainaren 4a

*Alkate-lehendakaria*  
**JON ZUAZO ZUBERO**